



七言律詩卷第四 中唐上

大興 翁方綱



劉隨州四首

登餘干古縣城

孤城上與白雲齊萬古荒涼

一作蕭條

楚水西官舍已空秋

草綠女牆猶在夜烏啼平江渺渺行人度

一作來人遠

落日

亭亭向客低沙鳥不知陵谷變朝來暮去弋陽溪

長沙過賈誼宅

三年謫宦此棲遲萬古惟留楚客悲秋草獨尋人去後

寒林空見日斜時  
漢文有道思猶薄  
湘水無情吊豈知  
寂寂江山搖落處  
憐君何事到天涯

獻淮寧軍節度使李相公

建牙吹角不聞喧  
三十登壇衆所尊  
家散萬金酬士死  
身留一劍答君恩  
漁陽老將多迴席  
魯國諸生半在門  
白馬翩翩春草綠  
少陵西去獵平原

送柳使君赴袁州

宜陽出守新恩至  
京口因家始願違  
五柳閉門高士去  
三苗按節遠人歸  
月明江路聞猿斷  
花暗山城見吏稀

唯有郡齋窓裏岫  
朝朝空對謝元暉

錢仲文三首

贈闕下裴舍人

二月黃鶯飛上林  
春城紫禁曉陰陰  
長樂鐘聲花外盡  
龍池柳色雨中深  
陽和不散窮途恨  
霄漢長懸捧日心  
獻賦十年猶未遇  
羞將白髮對華簪

和李員外扈駕幸溫泉宮

未央月曉度疎鐘  
鳳輦時巡出九重  
雪霽山門迎瑞日  
雲開水殿候飛龍  
輕寒不入宮中樹  
佳氣常浮仗外峯

遙羨枚皋扈仙蹕偏承霄漢渥恩濃

題郎士元半日吳村別業兼呈李長官

半日吳村帶晚霞閉門高柳亂飛鴟橫雲嶺外千重樹  
流水聲中一兩家愁人昨夜相思苦閨月今年春意賒  
自歎梅生頭似雪却憐潘令縣如花

柳柳柳州二首

登柳州城樓寄漳汀封連四州

城上高樓接大荒海天愁思正茫茫驚風亂颭芙蓉水  
密雨斜侵薜荔牆嶺樹重遮千里目江流曲似九迴腸

共來百越文身地猶自音書滯一鄉

別舍弟宗一

零落殘紅倍黯然雙垂別泪越江邊一身去國六千里  
萬死投荒十二年桂嶺瘴來雲似墨洞庭春盡水如天  
欲知此後相思夢長在荆門郢樹煙

劉劉賓客四首

西塞山懷古

王濬樓船下益州金陵王氣黯然收千尋鐵鎖沉江底  
一片降幡出石頭人世幾回傷往事

一作荒苑至山形  
今生茂州

依舊枕寒流而今四海為家日故壘蕭蕭蘆荻秋

荊州道懷古

南國山川舊帝畿宋臺梁館尚依稀馬嘶古樹行人歇  
麥秀空城野雉飛風吹落葉填宮井火入荒陵化寶衣  
徒使詞人庾開府咸陽終日苦思歸

松滋渡望峽中

渡頭輕雨灑寒梅雲際溶溶雪水來夢渚草長迷楚望  
夷陵土黑有秦灰巴人淚應猿聲落蜀客船從鳥道回  
十二碧峯何處所永安宮外是荒臺

再授連州至衡陽酬柳柳州贈別

去國十年同赴召渡江千里又分歧重臨事異黃丞相  
三黜名慚柳士師歸目併隨回雁盡愁腸正遇斷猿時  
桂江東過連山下相望長吟有所思

皇皇甫補闕冉三首

同溫丹徒登萬歲樓

高樓獨上思依依極浦遙山合翠微江客不堪頻北望  
塞鴻何事又南飛丹陽古渡寒煙積瓜步空洲遠樹稀  
聞道王師猶轉戰誰能談笑解重圍

送李錄事赴饒州

北人南去雪紛紛  
雁叫汀洲不可聞  
積水長天隨遠客  
荒城極浦足寒雲  
山從建業千峯出  
江至潯陽九派分  
借問督郵纔弱冠  
府中年少不如君

秋日東郊作

閒看秋水心無事  
坐對寒山手自栽  
廬岳高僧留偈別  
茅山道士寄書來  
燕知社日辭巢去  
菊為重陽冒雨開  
淺薄將何稱獻納  
臨歧終日獨徘徊

韓韓君平四首

送康洗馬歸滑州

腰佩雕弓漢射聲  
東歸銜命見雙旌  
青絲玉勒康侯馬  
孟水金堤滑伯城  
臘雪夜看宜縱飲  
寒蕪晝獵不妨行  
懷君又隔千山遠  
別後春風百草生

宴楊駙馬山池

垂楊拂岸草茸茸  
繡戶簾前花影重  
鱸下玉盤紅縷細  
酒開金甕綠醅濃  
中朝駙馬何平叔  
南國詞人陸士龍  
落日泛舟同醉處  
回潭百丈映千峰

寄徐州鄭使君

江城五馬楚雲邊不羨雍容畫省年才子舊稱何水部  
使君還繼謝臨川射堂草遍收殘雨官路人稀對夕天  
雖臥郡齋千里隔與君同見月初圓

送冷朝陽還上元

青絲紵引木蘭船名遂身歸拜慶年落日澄江鳥榜外  
秋風疎柳白門前橋通小市家林近山帶平湖野寺連  
別後依依寒夢裏共君攜手在東田

李袁州嘉祐一首

自蘇臺至望亭驛人家盡空春物增思悵然有作

因寄縱弟紆

南浦菰蔣覆白蘋東吳黎庶逐黃巾野棠自發空流水  
江燕初歸不見人遠樹依依如送客平田渺渺獨傷春  
那堪回首長洲苑烽火年年報塞塵

竇尚書叔向一首

夏夜宿表兄話舊

夜合花開香滿庭夜深微雨醉初醒遠書珍重何曾達  
舊事淒涼不可聽去日兒童皆長大昔年親友半凋零  
明朝又是孤舟別愁見河橋酒幔青

李司馬端一首

贈郭駙馬

青春都尉最風流二十功成便拜侯  
金距鬪雞過上苑  
玉鞭騎馬出長楸  
熏香荀令偏憐少  
傳粉何郎不解愁  
日暮吹簫楊柳陌  
路人遙指鳳凰樓

朱從事灣一首

送李司直歸浙東幕兼寄鮑行參一作軍持節大夫

初拜東平郡王

翩翩書記早曾聞  
二十年來願見君  
今日相髮建悲白髮

同時幾許在青雲  
人從北固山邊一作去水陵西陵渡

口分曾一作會一作作王門曳裾客  
為余前謝鮑參軍

武相元衡三首

酬嚴司空荆南見寄

亮才調

金貂再入三公府  
玉帳連封萬戶侯  
簾捲青山巫峽曉  
煙開碧樹一作雲一作凝碧岫  
渚宮秋劉琨坐嘯風清塞  
謝眺題一作裁詩月滿樓  
白雪調高歌不得美人南望翠蛾愁

送李一作秀才赴滑州詣大夫舅

陌頭車馬去翩翩  
白懷面書美少年  
東武楊公姻婭重



西州謝傳舅甥賢長亭叫月新秋雁官渡含風古樹邊  
知已滿朝留不住貴臣河上擁旌旃

秋日書懷

金貂玉鉉奉君恩夜漏晨鐘老掖垣參決萬機空有媿  
靜觀羣動亦無言杯中壯志紅顏歇林下秋聲絳葉翻  
倦鳥不知歸去日青蕪白露滿郊園

權文公德輿一首

送清汶上人謁信州陸員外

暫辭長老去隨緣候曉輕裝寄客船佳句已齊康寶月

清談遠指謝臨川灘經水瀨逢新雪路過漁潭宿暝煙  
暇日若隨千騎出南巖只在郡樓前

楊少尹巨源三首

送人過衛州

憶昔征南府內遊君家東閣最淹留縱橫聯句長侵曉  
次第看花直到秋論舊舉杯先下淚傷離臨水更登樓  
相思前路幾回首滿眼青山過衛州

寄江州白司馬

江州司馬平安否惠遠東林住得無湓浦曾聞似衣帶

廬峰見說勝香爐題詩歲晏離鴻斷望闕天遙病鶴孤  
莫謾拘一作牽雨花社青雲依舊是前途

和大夫邊春呈長安親故

嚴城吹笛思寒梅二月冰河一半開紫陌詩情依舊在  
黑山弓力畏春來遊人曲岸看花發走馬平沙獵雪迴  
旌旆朝天不知晚將星高處近三台

七言律詩卷第五 中唐下

大興 翁方綱 鈔



白文公 居易 四十七首

春中與盧四周諒 一作 華陽觀同居

性情懶慢好相親門巷蕭條稱作隣背燭共憐深夜月  
蹋花同惜少年春杏壇住僻雖宜病芸閣官微不救貧  
文行如君尚顛顛不知霄漢待何人

自河南經亂關內阻饑兄弟離散各在一處因望  
月有感聊書所懷寄上浮梁大兄於潛七兄烏江

十五兄兼示符離及下邳弟妹

時難年饑

荒一作

世業空弟兄羈旅各西東田園寥落干

戈後骨肉流離道路中弔影分為千里鴈辭根散作九  
秋蓬共看明月應垂淚一夜鄉心五處同

送王十八歸山寄題仙遊寺

曾於太白峯前住數到仙遊寺裏來黑水澄時潭底出

白雲破處洞門開林間煖酒燒紅葉石上題詩掃落苔

惆悵舊遊那復到菊花時節羨

一作待

君迴

八月十五日夜禁中獨直對月憶

一作寄

元九

銀臺金闕夕沈沈獨宿相思在翰林三五夜

中新月色二千里外故人心清宮東面

煙波冷浴殿西頭鐘漏深猶恐清光不

同見江陵早濕足秋陰

欲與元八卜隣先有是贈

平生心跡最相親  
欲隱牆東不為身  
明月好同三徑夜  
綠楊宜作兩家春  
每因暫出猶思伴  
豈得安居不擇隣  
何獨終身數相見  
子孫長作隔牆人

贈楊秘書巨源

楊嘗有贈盧洺州詩云三刀夢益州一箭取遼城由是知名

早聞一箭取遼城  
相識雖新有故情  
清句三朝誰是敵  
白鬚四海半為兄  
貧家雜草時時入  
瘦馬尋花處處行  
不用更教詩過好  
折君官職是聲名

得微之到官後書備知通州之事  
張然有感因成

四章

來書子細說通州州在山根峽岸頭四面千重火雲合

中心一道瘴江流蟲蛇白晝攔官道蚊蚋一作黃昏撲

郡樓何罪遣君居此地天高無處問來由

匿嶺山萬仞餘人家應似甌中居寅年籬下多逢虎

亥日沙頭始賣魚衣斑梅雨長須熨米漚畬田不解鉏

努力安心過三考已曾愁殺李尚書李實尚書先貶此州身歿於彼處

人稀地僻醫巫少夏早秋霖瘴瘧多老去一身須愛惜

別來四體得如何侏儒飽笑東方朔意欲讒憂馬伏波

莫遣沈愁結成病時時一唱濯纓歌

通州海內悽惶地司馬人間冗長去官傷鳥有弦驚不

定臥龍無水動應難劍埋獄底誰深掘松偃霜中盡冷

看舉目爭能不惆悵高車大馬滿長安

盧侍御與崔評事為予於黃鶴樓置宴宴罷同望

江邊黃鶴古時樓勞置華筵待我遊楚思淼茫雲水冷

商聲清脫管弦秋白花浪濺頭陀寺紅葉林籠鸚鵡洲

總是平生未行處醉來堪賞醒堪愁

庾樓曉望

獨憑朱檻立凌晨山色初明水色新竹霧曉籠銜嶺月  
蘋風暖送過江春子城陰處猶殘雪衙鼓聲前未有塵  
三百年來庾樓上曾經多少望鄉人

夜宿江浦聞元八改官因寄此什

君遊丹陛已三遷我汎滄浪欲亦一作二年劍珮曉趨雙  
鳳闕煙波夜宿一漁船交親盡在青雲上鄉國遙拋白  
日邊若報生涯應笑殺結茅栽芋種畬田

寄李相公崔侍郎錢舍人

曾陪鶴馭兩三仙親侍龍輿四五年天上歡華一作春  
娛一作

有限世間漂泊海無邊榮枯事過都成夢憂喜心一作情  
忘便是禪官滿更歸何處去香爐峰在宅門前

憶微之

與君何日出屯蒙魚戀江湖鳥厭籠分手各拋滄海畔  
折腰俱老綠衫中三年隔闊音塵斷兩地飄零氣味同  
又被新年勸相憶柳條黃軟欲春風

聞李六景儉自河東令授唐鄧行軍司馬以詩賀  
之

誰能淮上靜風波聞道河東應此科不獨文詞供奉記

定將談笑解兵戈  
泥理劍戟終難久  
水借蛟龍可在多  
四十著緋軍司馬  
男兒官職未蹉跎

香爐峰下新卜山居草堂初成偶題東壁

五架三間新草堂  
石階桂柱竹編牆  
南檐納日冬天暖  
北戶迎風夏月涼  
灑砌飛泉繞有點  
拂窓斜竹不成行  
來春更葺東廂屋  
紙閣蘆簾著孟光

神遊二首

長松樹下小溪頭  
斑鹿胎巾白布裘  
藥圃茶園為產業  
野麋林鶴是交遊  
雲生澗戶衣裳潤  
嵐隱山廚火燭幽

最愛一泉新引得  
清泠屈曲繞階流

與三

日高睡足猶慵起  
小閣重衾一作不怕寒  
遺愛寺鐘一作

泉歌枕聽香爐峰  
雪撥簾看匡廬便是  
逃名地司馬仍為  
送老官心泰身寧是  
歸處故鄉何一作獨在長安

正月十五日夜東林寺學禪偶懷藍田楊主簿因

呈智禪師

新年三五東林夕  
星漢迢迢一作鐘梵遲  
花縣當君行樂夜  
松房是我坐禪時  
忽看月滿還相憶  
始歎春來自

不知不覺定中微念起明朝更問鴈門師

得行簡書聞欲下峽先以詩寄

朝來又得東川信欲取春初發梓州書報九江聞暫喜  
路經三峽想還愁瀟湘瘴霧加餐飯灑瀨瀨驚波穩泊舟  
欲寄兩行迎爾淚長江不肯向西流

廬山草堂夜雨獨宿寄牛二李七庾三十二員外

丹霄攜手三君子白髮垂頭一病翁蘭省花時錦帳下  
廬山雨夜草菴中終身膠漆心應在半路雲泥迹不同  
唯有無生三昧觀榮枯一照兩成空

聞楊十二新拜省郎遙以詩賀

文昌新入有光輝紫界宮牆白粉闈曉日雞人傳漏箭

春風侍女護朝衣雪飄歌曲高難和鶴拂煙霄老

慣飛官職聲名俱入手近來詩客似君稀頃曾有贈楊詩落句云不

更教詩過好折君官職聲名今故云俱入手

春聽琵琶蕙簡長孫司戶

四弦不似琵琶聲亂寫真珠細撼鈴指底商風悲颯颯  
舌頭胡語苦醒醒如言都尉思京國似訴明妃厭虜庭  
遷客共君相勸諫春腸易斷不須聽



除忠州寄謝崔相公

提拔出泥知力竭，吹噓生翅見情深。  
劍鋒缺折難衝斗，桐尾燒焦豈望琴。  
感舊兩行年老淚，酬思一寸歲寒心。  
忠州好惡何須問，鳥得辭籠不擇林。

送蕭處士遊黔南

能文好飲老蕭郎，身似浮雲鬢似霜。  
生計拋來詩是業，家園忘却酒為鄉。  
江從巴峽初成字，猿過巫陽始斷腸。  
不醉黔中爭去得，磨圍山月正蒼蒼。

春至

若為南國春還至，爭向東樓日又長。  
白片落梅浮澗水，黃梢新柳出城牆。  
閑拈蕉葉題詩詠，悶取藤枝引酒嘗。  
樂事漸無身漸老，從今始擬負風光。

春江

炎涼昏曉若推遷，不覺忠州已二年。  
閉閣只聽朝暮鼓，上樓空望往來船。  
鶯聲誘引來花下，草色勾留坐水邊。  
唯有春江看未厭，縈砂遶石淥潺湲。

喜敏中及第偶示所懷

自知羣從為儒少，豈料詞場中第頻。  
桂折一枝先許我

楊穿三葉盡驚人

始予進士及第行簡次之敏中又次之

轉於文墨須留

意貴向煙霄早致身莫學爾兄年五十蹉跎始得掌絲

綸

西湖晚歸回望孤山寺贈諸客

柳湖松島蓮花寺晚動歸橈出道場盧橘子低山雨重

棕一作櫚葉戰水風涼烟波澹蕩搖空碧樓殿參差倚

夕陽到岸請君回首望蓬萊宮在海中央

杭州春望

望海樓明照曙霞

城東樓名望海樓

護江隄白蹋晴沙濤聲夜

入伍員廟柳色春藏蘇小家紅袖織綾誇柿蒂

杭州出柿蒂花

者尤青旗沽酒起梨花

其俗釀酒起梨花時熟號為梨花春

誰開湖寺西

南路草綠羣腰一道斜

孤山寺路在湖洲中草綠時望如羣腰

江樓晚眺景物鮮奇吟翫成篇寄水部張員外

澹煙疎雨間斜陽江色鮮明海氣涼蜃散雲收破樓閣

虹殘水照斷橋梁風翻白浪花千片鴈點青天字一行

好著丹青圖畫

一作寫

取題詩寄與水曹郎

春題湖上

湖上春來似畫圖亂峰圍繞水平鋪松排山面千重翠

月點波心一顆珠碧毯線頭抽早稻青羅裙帶展新蒲  
未能拋得杭州去一半的留是此湖

西湖留別

征途行色慘風煙祖帳離聲咽管弦翠黛不須留五馬  
皇恩只許住三年綠藤陰下鋪歌席紅藕花中泊妓船  
處處回頭盡堪戀就中難別是湖邊

正月三日閑行

黃鸝巷口鶯初語烏鵲河頭冰欲銷黃鸝坊名綠浪東  
西南北水紅欄三百九十橋蘇之官橋大數鴛鴦蕩漾雙雙翅

楊柳交加萬萬條借問春風來早晚只從前日到今朝

寄殷協律多敘江南舊遊

五歲優遊同過日一朝消散侶浮雲琴詩酒伴皆拋我

雪月花時最憶君幾度聽雞歌白日亦曾騎馬詠紅裙

予在杭州日有歌云聽唱黃雞與吳娘暮雨蕭蕭曲自  
白日又有歌云著紅騎馬是何人別江南更不聞江南吳二娘曲詞云  
暮雨蕭蕭郎不歸

晚桃花

樹紅一對桃花亞拂池竹遮松蔭晚開時非因斜日無由見  
不是閑人豈得知寒地生材遺校易貧家養女嫁常遲

春深一作風欲落誰憐惜白侍郎來折一枝

吾土

身心安處為吾土豈限長安與洛陽水竹花前謀活計  
琴詩酒裏到家鄉榮先生老何妨樂楚接輿歌未必狂  
不用將金買莊宅城東無主是春光

初喪崔兒報微之晦叔

書報微之晦叔知欲題崔字淚先垂世間此恨偏敦我  
敦音推天下何人不哭兒蟬老悲鳴拋蛻後龍眠驚覺  
見詩注失珠時文章千作帙官三品身後傳誰庇廕誰

洛下雪中頻與劉李二賓客宴集因寄汴州李尚

書

水南水北雪紛紛雪裏歡遊莫厭貧日日頻暗多來唯  
老病年年少去是交親碧瓊帳暖梅花濕紅燎爐香竹  
葉春今日鄒枚俱在洛梁園置酒召何人

題謝公東山障子

賢愚共在浮生內貴賤同趨羣動間多見忙時已衰病  
少聞健日肯休閒鷹飢受縶從難退鶴老乘軒亦不還  
唯有風流謝安石拂衣攜妓入東山

宣州崔大夫閣老忽以近詩數十首見示吟諷之

下竊有所喜因長成句寄題郡齋

謝元暉歿吟聲寢郡閣寥寥筆硯閑無復新詩題壁上

虛教遠岫列窓間謝宣城郡內詩云窓中列遠岫忽驚歌雪今朝至必

恐文星昨夜還再喜宣城章句動飛觴遙賀敬亭山謝又

有題敬亭山詩並見文選中

楊六尚書頻寄新詩詩中多有思閑相就之志因

書鄙意報而諭之

君年殊未及懸車未合將閑逐老夫身健正宜金印綬

位高方稱白髭鬚若論塵事何由了但問雲心自在無

進退是非俱是夢邱中闕下亦何殊

和敏中洛下即事

時敏中為殿中分司

昨日池塘春草生阿連新有好詩成花園到處鶯呼入  
驄馬遊時客避行水暖魚多似南國人稀塵少勝西京  
洛中佳境應無限若欲語知問老兄

送敏中新授戶部員外郎西歸

千里歸程三伏天官新身健馬翩翩行衝赤日加餐飯  
上到青雲穩著鞭長慶老郎唯我客曹故事望君傳前

前鴻後雁行難續相去迢迢二十年長慶初予為主客

書舍人去今二十一年也

喜入新年自詠時年七十一

白鬚如雪五朝臣又值新正第七旬老過占他藍尾酒  
病餘收得到頭身銷磨歲月成高位比類時流是幸人  
大歷年中騎竹馬幾人得見會昌春

寄韜光禪師

一山門作兩山門兩寺原從一寺分東澗水流西澗  
水南山雲起北山雲前臺花發後臺見上界鐘聲下界

聞遙想吾師行道處天香桂子落紛紛

元相禩三首

遣悲懷三首選二

謝公窈窕編憐女自嫁黔婁百事乖顧我無衣搜蓋  
篋泥他沽酒拔金釵野蔬充膳甘長藿落葉添  
薪仰古槐今日俸錢過十萬與君營奠復營齋  
昔日戲言身後意今朝皆到眼前來衣裳已施行看  
盡針線猶存未忍開尚想舊情憐婢僕也夢因夢  
送錢財誠知此恨人人有貧賤夫妻百事哀

以州宅夸於樂天


州城迴繞拂雲堆鏡水稽山滿眼來四面常時對屏幃  
一家終日在樓臺星河以向簷前落鼓角驚從地底迴  
我是玉皇香案吏請居猶得任蓬萊

七言律詩卷第六 晚唐上

杜樊川二十二首

長安雜題長句六首

觚稜金碧照山高萬國珪璋捧赭袍  
舐筆和鉛欺賈馬讚功論道鄙蕭曹  
東南樓日珠簾捲西北天宛玉卮豪  
四海一家無一事將軍攜鏡泣霜毛  
晴雲似絮惹低空紫陌微微弄袖風  
韓嫣金丸莎覆綠許公韉汗杏粘紅  
烟生窈窕深東第輪撼流蘇下北宮



大興 翁方綱 鈔

自笑苦無樓護智可憐  
鈇槩竟何功

雨晴九陌鋪江練  
嵐嫩千峯疊  
海濤南苑草芳眠  
錦雉

夾城雲暖下霓旄  
少年羈絡青紋玉  
遊女花簪紫蒂桃

江碧柳深入盡醉  
一瓢顏巷日空高

束帶謬趨文石陛  
有章曾拜皂囊封  
期嚴無奈睡留癖

勢窘猶為酒泥慵  
偷釣侯家池上雨  
醉吟隋寺日沉鐘

九原可作吾誰與  
師友瑯琊那曼容

洪河清渭天池濬  
太白終南地軸橫  
祥雲橫映漢宮紫

春光繡畫秦川明  
草妬佳人鈿朶色  
風迴公子玉銜聲

六飛南幸芙蓉苑  
十里飄香入夾城

豐貂長組金張輩  
駟馬文衣許史家  
白鹿原頭迴獵騎

紫雲樓下醉江花  
九重樹影連清漢  
萬壽山光學翠華

誰識大君謙讓德  
聖上不一毫名利  
鬪盡墓

街西  
題下一有長句二字

碧池新漲浴嬌鴉  
分一作深鏤長安富貴家  
遊騎偶同人

鬪酒名園相倚杏  
交花銀鞦驤裊嘶  
宛馬繡鞅璉瓏走

鈿車一曲將軍何處笛  
連雲芳樹日初斜

懷鍾陵舊遊四首



一謁征南最少年  
虞卿雙壁截肪鮮  
歌謠千里春長暖  
絲管高臺月正圓  
玉帳軍籌羅俊彥  
絳帷環佩立神仙  
陸公餘德機雲在  
如我酬恩合執鞭  
滕閣中春綺席開  
柘枝蠻鼓殷晴雷  
岳樓萬幕青雲合  
破浪千帆陣馬來  
未掘雙龍牛斗氣  
高懸一榻棟梁材  
連巴控越知何有  
珠翠沉檀處處堆

十頃平湖堤柳合  
岸秋蘭芷綠纖纖  
一聲明月采蓮女  
四面朱樓卷畫簾  
白鷺煙分光的的  
微漣風定翠泔泔  
斜暉更落西山影  
千步虹橋氣象兼

控壑平江十萬家  
秋未江靜鏡新磨  
城頭晚鼓雷霆後  
橋上遊人笑語多  
日落江痕千里色  
月當樓午一聲歌  
昔年行樂穠桃畔  
醉與龍沙揀蜀羅

月明更想桓伊在一笛  
閑吹出塞愁

謝朓詩中佳麗地  
夫差傳裏水犀軍  
城高鐵瓮橫強弩  
柳暗朱樓多夢雲  
畫角愛飄江北去  
釣歌長向月中聞  
揚州塵土試回首  
不惜千金借與君

九日齊山登高

江涵秋影雁初飛  
與客攜壺上翠微  
塵世難逢開口笑

一謁征南最少年  
虞卿雙壁截肪鮮  
歌謠千里春長暖  
絲管高臺月正圓  
玉帳軍籌羅俊考  
絳帷環佩立神仙  
陸公餘德機雲在  
如我酬恩合執鞭  
滕閣中春綺席開  
柘枝蠻鼓殷晴雷  
岳樓萬幕青雲合  
破浪千帆陣馬來  
未掘雙龍牛斗氣  
高懸一榻棟梁材  
連巴控越知何有  
珠翠沉檀處處堆

潤州二首

句吳亭東千里秋  
放歌曾作昔年遊  
青苔寺裏無馬跡  
綠水橋邊多酒樓  
大抵南朝皆曠達  
可憐東晉最風流  
月明更想桓伊在  
一笛閑吹出塞愁  
謝朓詩中佳麗地  
夫差傳裏水犀軍  
城高鐵瓮橫強弩  
柳暗朱樓多夢雲  
畫角愛飄江北去  
釣歌長向月中聞  
揚州塵土試回首  
不惜千金借與君

九日齊山登高

江涵秋影雁初飛  
與客攜壺上翠微  
塵世難逢開口笑

菊花須插滿頭歸，但將醕酎酬佳節。不用登臨恨一作歎，  
落暉古往今來只如此。牛山何必淚霑衣。

登池州九峰樓寄張祜

百歲中來不自由，角聲孤起夕陽樓。碧山終日思無盡，  
芳草何年恨即休。睫在眼前猶長不見，道非身外更何求。  
誰人得似張公子，千首詩輕萬戶侯。

題宣州開元寺水閣

題下一有閣下究  
溪夾溪居人八字

六朝文物草連空，天澹雲閒今古同。鳥去鳥來山色裏，  
人歌人哭水聲中。深秋簾幙千家雨，落日樓臺一笛風。

惆悵無因見范蠡，參差烟樹五湖東。

正初酬歙州刺史邢群

翠巖千尺倚溪斜，曾得嚴光作釣家。越嶂遠分丁字水，  
臘梅遲見二年花。明時刀尺君須用，幽處田園我有涯。  
一壑風烟陽羨里，解龜休去路非賒。

酬張祜處士見寄長句四韻

七字論詩誰似公，曹劉須在指揮中。薦衡昔日知文舉，

令狐相公曾  
表薦處士

乞火無人作蒯通。北極樓臺長掛夢，西江

波浪遠吞空。可憐故國三千里，虛唱歌詞滿六宮。

處士  
詩曰

故園三千里深西宮二十年  
一聲河滿子雙泪落君前

初春雨中舟次和州橫江裴使君見迎李趙二秀

應低格才同來因書四韻兼寄江南許渾先輩

芳草渡頭微雨時萬株楊柳拂波垂  
蒲根水暖雁初浴梅徑香寒蜂未知  
詞客倚風吟黯淡使君迴馬濕旌旗  
江南仲蔚多情調悵望春陰幾首詩

早雁

金河秋半鹵弦開雲外驚飛四散哀  
仙掌月明孤影過長門燈暗數聲來  
須知胡騎紛紛在豈逐春風一一迴

莫厭瀟湘少入處水多菰米岸莓苔

殘春獨來南亭因寄張祜

暖雲如粉草如茵獨步長堤不見人一嶺  
桃花紅錦駢半溪山水碧羅新高枝百舌  
猶欺鳥帶葉梨花獨送春仲蔚欲知何處  
在苦吟林下拂詩塵

冬日五湖浪一作館水亭懷別

蘆荻花多觸處飛獨凭虛檻雨微微  
寒林葉落鳥巢出古渡風高漁艇稀  
雲抱四山終日在草荒三徑幾時歸  
江城向晚西流一作東風急無限鄉心  
一作半鄉愁聞擣衣

